

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

ZAKON O PROVOĐENJU ODLUKA SUDOVA

Sarajevo, decembar 2020. godine

ZAKON O PROVOĐENJU ODLUKA SUDOVA

I. OPĆE ODREDBE

Član 1.

(Sadržaj Zakona)

Ovim zakonom uređuje se provođenje odluka Ustavnog suda Bosne i Hercegovine za čije je izvršenje nadležna Vlada Federacije Bosne i Hercegovine (u daljem tekstu: Vlada Federacije), odluka Ustavnog suda Federacije Bosne i Hercegovine (u daljem tekstu: Ustavni sud Federacije) i odluka Evropskog suda za ljudska prava (u daljem tekstu: Evropski sud) za čije izvršenje su nadležne institucije Federacije Bosne i Hercegovine (u daljem tekstu: Federacija) i druga pitanja vezana za izvršenje tih odluka.

Član 2.

(Primjena zakona)

Odredbe ovog zakona ne primjenjuju se na postupke izvršenja odluka iz člana 1. ovog zakona propisane posebnim zakonom.

Član 3.

(Nadležnost za provođenje odluka)

Organi vlasti Federacije kojima su dostavljene odluke iz člana 1. ovog zakona dužni su provoditi odluke u skladu sa Ustavom Federacije Bosne i Hercegovine i zakonom utvrđenim nadležnostima na način propisan ovim zakonom.

Član 4.

(Obaveza provođenja odluka)

Odredbe ovog zakona tumače se tako da su organi dužni odluke iz svoje nadležnosti izvršavati brzo i efikasno uz poštovanje zadatih rokova i podliježu odgovornosti u slučaju neizvršenja tih odluka.

II. ZNAČENJE IZRAZA UPOTRIJEBLJENIH U ZAKONU

Član 5.

(Značenje pojedinih izraza)

Pojedini izrazi upotrijebljeni u ovom zakonu imaju sljedeće značenje, i to:

- a) **Nadležni organ** je federalni organ uprave i federalna upravna organizacija Federacije;
- b) **Odluke** su apelacione odluke Ustavnog suda Bosne i Hercegovine i odluke kojim se ocjenjuje ustavnost zakona Federacije sa Ustavom Bosne i Hercegovine; presude Ustavnog suda Federacije kojima je ocijenjena neustavnost zakona ili je federalnim propisom povrijeđeno pravo na lokalnu samoupravu i odluke Evropskog suda za ljudska prava za čije izvršenje su nadležne institucije Federacije;
- c) **Ured** je Ured za saradnju i zastupanje pred Ustavnim sudom Bosne i Hercegovine;

- d) **Pojedinačna mjera** je radnja nadležnog organa koju je potrebno preduzeti da se ukloni povreda prava utvrđenih odlukom i isplata pravične naknade;
- e) **Opće mjere** su mjere koje će spriječiti nova slična kršenja ili ona koja su već ustanovljena ili okončati kontinuirana kršenja (promjene sudske i upravne prakse koja će se temeljiti na odluci suda, mjere za otklanjanje nedostaka u pravnoj regulativi i usaglašavanje domaćeg zakonodavstva sa standardima Evropske konvencije za zaštitu ljudskih prava i osnovnih sloboda (u daljem tekstu: Evropska konvencija).

III. POSTUPAK PROVOĐENJA ODLUKA USTAVNOG SUDA BOSNE I HERCEGOVINE

Član 6.

(Dostavljanje odluka)

Odluke Ustavnog suda Bosne i Hercegovine za čije je izvršenje nadležna Vlada Federacije dostavljaju se putem Ureda organu koji je obavezan da preduzme mjere s ciljem izvršenja odluke.

Član 7.

(Postupak pripreme obavijesti)

Organi zaduženi za realizaciju obaveza utvrđenih odlukom iz člana 6. ovog zakona dužni su podatke o preduzetim mjerama dostaviti Uredu, radi pripreme obavijesti koju Vlada Federacije dostavlja Ustavnom sudu Bosne i Hercegovine.

Član 8.

(Usklađivanje federalnog zakona)

Kada iz odluke proizilaze obaveze usklađivanja federalnog zakona sa Ustavom Bosne i Hercegovine i Evropskom konvencijom radi otklanjanja povreda, Ured u saradnji sa nadležnim organima priprema za Vladu Federacije prijedlog mjera za izvršenje odluke u utvrđenim rokovima, kao i nosioce aktivnosti za izvršenje.

Član 9.

(Obaveza poštovanja rokova)

Organi zaduženi za realizaciju obaveza dužni su pridržavati se utvrđenih rokova za preduzimanje aktivnosti i o tome obavještavati Ured.

Član 10.

(Postupak u slučaju kašnjenja u izvršenju)

(1) Ako organi iz člana 9. ovog zakona ne dostave podatke u utvrđenom roku ili kasne u izvršenju, Ured će zatražiti informaciju od rukovodioca organa o razlozima neizvršenja i o tome izvijestiti Vladu Federacije.

(2) Izvještaj Ureda sadrži i Preporuku o mjerama koje treba preduzeti kako bi odluka bila izvršena.

IV. POSTUPAK PROVOĐENJA ODLUKA USTAVNOG SUDA FEDERACIJE BOSNE I HERCEGOVINE

Član 11.

(Aktivnosti po prijemu odluka)

- (1) Odluke Ustavnog suda Federacije kojima je utvrđeno da federalni zakon nije u saglasnosti sa Ustavom Federacije Bosne i Hercegovine ili je federalnim propisom povrijeđeno pravo na lokalnu samoupravu, putem Parlamenta Federacije Bosne i Hercegovine (u daljem tekstu: Parlament Federacije) dostavljaju se Vladi Federacije.
- (2) Po prijemu Odluke iz stava (1) ovog člana Parlament Federacije donosi zaključak koji uz odluku dostavlja Vladi Federacije.

Član 12.

(Preduzimanje mjera za provođenje odluka)

- (1) Odluku i zaključak iz člana 11. ovog zakona Vlada Federacije dostavlja Uredu da u saradnji sa nadležnim organima pripremi prijedlog zaključka o mjerama za izvršenje odluke u utvrđenim rokovima i nosioce aktivnosti.
- (2) Organi zaduženi za realizaciju obaveza utvrdjenih zaključkom Vlade Federacije dužni su podatke o preduzetim mjerama dostaviti Uredu.

Član 13.

(Postupak u slučaju kašnjenja u izvršenju)

- (1) Ako organ iz člana 12. ovog zakona ne dostavi podatke u utvrđenom roku ili kasni u izvršenju Ured će zatražiti informaciju od rukovodioca organa o razlozima neizvršenja i o tome izvijestiti Vladu Federacije.
- (2) Izveštaj Ureda sadrži i Preporuku o mjerama koje treba preduzeti kako bi odluka bila izvršena.

Član 14.

(Odgovornost za neizvršenje odluka)

U slučaju neizvršenja u roku koji je određen odlukom ili odbijanja izvršenja odluka Vlada Federacije će ovlastiti drugo tijelo za pripremu odgovarajućeg materijala i zadužit će Federalno pravobranilaštvo da pokrene postupak utvrđivanja odgovornosti u skladu sa odredbama člana 228. Zakona o krivičnom postupku Federacije Bosne i Hercegovine i preduzeti mjere zaštite imovinskih interesa Federacije, ukoliko su isti ugroženi neizvršavanjem odluke.

V. POSTUPAK PROVOĐENJA ODLUKA EVROPSKOG SUDA ZA LJUDSKA PRAVA

Član 15.

(Dostavljane odluka)

Odluke Evropskog suda za ljudska prava za čije izvršenje su nadležne institucije Federacije dostavljaju se putem Ureda zastupnika Vijeća ministara pred Evropskim